



## Нийгмийн хамгааллын тухай Монгол Улс, Бүгд найрамдах Польш Улс хоорондын хэлэлцээрийн тухай



Бүгд Найрамдах Польш Улстай хийх нийгмийн хамгааллын хэлэлцээрт Монгол Улс, Бүгд Найрамдах Польш Улс хоорондын хоёр улсын Засгийн Газрын төлөөлөгчид 2018 оны 01 дүгээр сарын 24-ний өдөр гарын үсэг зурж, хэлэлцээр соёрхон батлах тухай хуулийг 2018 оны 10 дугаар сарын 26-ны өдөр Улсын Их Хурал баталснаар 2019 оны 07 дугаар сарын 01-ний өдрөөс хүчин төгөлдөр мөрдөгдөж эхэлсэн.

### А. Хэлэлцээрийн гол агуулга:

Хоёр улсад тэтгэврийн даатгалын шимтгэл төлсөн хугацааг нэгтгэн тооцож, тэтгэвэр болон оршуулгын тэтгэмж тогтоох, олгох, тэтгэврийг харилцан шилжүүлэх, хөдөлмөрийн чадвараа түр алдсаны, жирэмсэн, амаржсаны, ажилгүйдлийн болон үйлдвэрлэлийн осол, мэргэжлээс шалтгаалсан өвчний тэтгэмжүүдийг тогтоолгох боломжтой. Хэрвээ даатгуулагч Монгол Улсад тэтгэвэр тогтоолгох бол Монгол Улсын хууль тогтоомжийн дагуу, Бүгд Найрамдах Польш Улсад тэтгэвэр тогтоолгох бол Бүгд Найрамдах Польш Улсын холбогдох хууль тогтоомжийг мөрдөж ажиллана

**Жишээ нь:** Монгол Улсын Иргэн “Г” 60 настай, Монгол Улсын нийгмийн даатгалд 17 жил шимтгэл төлсөн, Бүгд Найрамдах Польш Улсад 10 жил ажиллаж, амьдрахдаа Бүгд Найрамдах Польш Улсын тэтгэврийн даатгалд мөн хамрагдсан гэж үзье.

- Иргэн “Г” Монгол Улсын хуулийн дагуу тэтгэвэрт гарах насанд хүрсэн тохиодолд өргөдлөө гаргаж Монгол Улсад өндөр насны тэтгэврээ тогтоолгоно. Монгол Улсын Нийгмийн даатгалын байгууллага “Д”-ийн 27 жил шимтгэл төлсөн хугацаанд авах тэтгэврийг Монгол Улсад авч байсан цалин хөлснөөс нь бодож, түүнээсээ 17 жилд ногдох хэсгийг Монголын тэтгэврийн даатгалын сангаас сар бүр олгоно.

- Бүгд Найрамдах Польш Улсын хуулиар өндөр насны тэтгэвэр тогтоолгох эрх үүсэх нас нь эмэгтэй 60 нас, эрэгтэй 65нас, тэтгэврийн доод хэмжээг тогтоолгоход шаардлагатай ажилласан жил нь эмэгтэй 20 жил, эрэгтэй 25 жил тул иргэн“Г” тус улсын тэтгэвэрт гарах насны болзлыг хангасан тохиолдолд Бүгд Найрамдах Польш Улсын талд өргөдөл гаргаснаар Польш улсад шимтгэл төлсөн 10 жилд ногдох тэтгэврийг Польш улсын тэтгэврийн сангаас шилжүүлэн олгоно.

### Б. Ямар төрлийн тэтгэвэр энэ хэлэлцээрт хамаарах вэ?

Дараах төрлийн тэтгэврийг Монгол Улс болон Бүгд Найрамдах Польш Улсын хууль тогтоомжийн хүрээнд шийдвэрлэнэ.

#### Монгол Улсын тухайд:

- Тэтгэврийн даатгалын сангаас олгох өндөр насны, тахир дутуугийн, тэжээгчээ алдсаны тэтгэвэр;
- Тэтгэмжийн даатгалын сангаас олгох хөдөлмөрийн чадвар түр алдсаны, жирэмсний болон амаржсаны, оршуулгын тэтгэмж;
- Ажилгүйдлийн даатгалын сангаас олгох ажилгүйдлийн тэтгэмж;
- Үйлдвэрлэлийн осол, мэргэжлээс шалтгаалсан өвчний даатгалын сангаас олгох, тэтгэвэр, тэтгэмж.

#### Бүгд Найрамдах Польш Улсын тухайд:

- Ажилгүйдлийн тэтгэмж (тариачдын нийгмийн даатгал болон нийгмийн даатгалын сангаас олгох ажилгүйдлийн тэтгэмж);
- Хөдөлмөрийн чадвар түр алдсаны, жирэмсний болон амаржсаны тэтгэмж;
- Өндөр насны тэтгэвэр, хөдөлмөрийн чадвар алдсаны тэтгэвэр болон тэжээгчээ алдсаны тэтгэвэр;
- Үйлдвэрлэлийн осол, мэргэжлээс шалтгаалсан өвчний тэтгэмж;
- Оршуулгын тэтгэмж.

## Нийгмийн хамгааллын хэлэлцээрийг хэрэгжүүлэгч Монголын талын харилцагч байгууллагын мэдээлэл

1. Байгууллагын нэр: Хөдөлмөр, нийгмийн хамгааллын яам  
Г.Ганчимэг /ХНХЯ-ны Бодлого, төлөвлөлтийн газрын ахлах мэргэжилтэн/  
Цахим шуудан, харилцах утасны дугаар: ganchimeg.g@mlsp.gov.mn, 51-262686

Б.Ундрэм /ХНХЯ-ны Нийгмийн хамгааллын бодлогын хэрэгжилтийг зохицуулах газрын мэргэжилтэн/  
Цахим шуудан, харилцах утасны дугаар: undram@mlsp.gov.mn, 51-264624

2. Харилцагч байгууллагын нэр: Нийгмийн даатгалын ерөнхий газар  
Т.Уянга /НДЕГ-ын Бодлогын хэрэгжилт, судалгааны газрын Олон Улсын хэлэлцээр хариуцсан мэргэжилтэн/  
Цахим шуудан, харилцах утасны дугаар: uyanga.t@ndaatgal.mn, 11-328030 /517/